

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U JAJCU
Broj: 128 0 Su 027977 18 Dp
Jajce, 25.01.2019. god.

**NARATIVNI IZVJEŠTAJ O RADU OPĆINSKOG SUDA U JAJCU
za period od 01.01.2018. do 31.12.2018. godine**

U tijeku izvještajnog perioda, od 01.01.2018.- 31.12.2018. godine, sud je u cijelosti popunjen sa pet sudaca i jednom stručnom suradnicom koja je u sudu zaposlena od 01.04.2018. godine.

Pored šest nositelja pravosudne funkcije koje je imenovalo VSTV BiH, u sudu su zaposlena i četiri državna službenika, 18 namještenika i jedan pripravnik.

Kada gledamo ostvareni kvalitet Općinskog suda u Jajcu, on u izvještajnom periodu iznosi 82,80% što znači da je došlo do pada u odnosu na 2017. godinu kada je kvalitet rada ovog suda iznosio 88,59%.

Ukupan broj donesenih odluka u sudu, na koje se može uložiti pravni lijek, iznosi 2.456. Ukupan broj uložених правних lijekova je 104, odbačenih правних lijekova nije bilo, broj potvrđenih odluka je 59, broj preinačenih odluka 20, preinačenih donesenih odluka nakon održane glavne rasprave ili pretresa pred drugostupanjskim sudom je 1, a broj ukinutih odluka je 23.

Broj presuda koje su ukinute i predmet je vraćen na ponovno suđenje je 13, a djelimično ukinutih je jedna.

U tijeku izvještajnog perioda primljeno je 3.053 predmeta, a u 2017. godini primljeno je 3.588 predmeta, što je za 535 predmeta ili za 14.92% manje nego u prethodnom periodu.

U Zemljišno-knjižnom uredu u tijeku izvještajnog perioda primljeno je 2.937 predmeta, a ukupno u radu je bilo 4.205 predmeta.

U Općinskom sudu u Jajcu, u izvještajnom periodu, u radu je bilo 7.599 predmeta, a u 2017. godini 9.296 predmeta, što je za 1.697 predmeta ili za 18,24% manje nego u prethodnom izvještajnom periodu.

Ukupnom broju predmeta u radu, njih 7.599, treba dodati ukupan broj u rad uzetih predmeta u Zemljišno knjižnom uredu, njih 4.205, iz čega proizlazi da je u Općinskom sudu u Jajcu u 2018. godini ukupno u radu bilo 11.804 predmeta.

Od ukupnog broja riješeno je 4.017 predmeta, a u 2017. godini 4.747, što je za 730 predmeta ili 15,38% manje nego u prethodnom periodu.

Broj riješenih predmeta u Z.k. uredu je 2.905, pa proizlazi da je u Općinskom sudu u Jajcu u 2018. godini ukupno riješeno 6.922 predmeta.

Na osnovu izloženog proizlazi da je ovaj sud u izvještajnom periodu riješio 964 predmeta više nego što je zaprimio, odnosno postotak riješenih predmeta veći je za 24,03% u odnosu na broj zaprimljenih predmeta.

Broj neriješenih predmeta na kraju izvještajnog perioda je 3.582 i 1.300 predmeta iz Z.k ureda pa ukupan broj neriješenih predmeta na kraju izvještajnog perioda u Općinskom sudu u Jajcu iznosi 4.882.

Općinski sud u Jajcu je u izvještajnom periodu imao obvezu sačinjavanja Plana rješavanja predmeta. Planom je bilo obuhvaćeno ukupno 540 predmeta, od čega je 216 izvršnih, 55 kaznenih, 118 parničnih, 82 prekršajna i 69 vanparničnih predmeta.

Trajanje postupka (prosječno trajanje postupka na svim referatima, referati na kojima se bilježi predugo trajanje postupka, okolnosti koje dovode do produljenja trajanja postupka, poduzete mjere za skraćenje trajanja postupka itd.):

Prosječno trajanje predmeta u sudu je 530 dana.

- Prosječno trajanje predmeta po referatima riješenih u 2018. godini:
- Izvršni - 878 dana (uključeni komunalni predmeti),
- Kazneni referat - 155 dana,
- Parnični referat - 298 dana,
- Vanparnični referat - 253 dana,
- Prekršajni - 587 dana (uključeni Ips predmeti).

Okolnosti koje dovode do produljenja trajanja postupka:

- Izvršni postupak traje duže zbog velikog broja komunalnih predmeta u okviru „I“ referata za čije rješavanje je potreban veći broj sudskih izvršitelja od broja sada zaposlenih u sudu, a za čije zapošljavanje ovaj Kanton za sada nije predvidio sredstva. Prodaja nekretnina po samoj prirodi traje duže zbog vještačenja radi utvrđivanja vrijednosti nekretnine i zbog odlaganja izvršenja po zahtjevu tražitelja izvršenja na duži period i radi procesnih smetnji (izvršenikova adresa nepoznata, objavljivanje oglasa, itd.).
- Prekršajni postupak duže traje zbog velikog broja Ips predmeta. Stupanjem na snagu novog Zakona o prekršajnom postupku, broj naplaćenih kazni se znatno povećao.
- Iz iznesenih podataka proizlazi da je trajanje postupka u vanparničnom referatu duže nego bi se očekivalo obzirom na broj predmeta, a razlog je što su ostavine kod notara, pa sud nema utjecaja na njihovo rješavanje.

Poduzete mjere za skraćivanje trajanje postupka:

Promjena odluke o raspodjeli predmeta i uključivanje svih sudaca u izvršni referat jer su više od 70% ukupnog broja predmeta ovog suda izvršenja, Plan rješavanja predmeta. Takva odluka je urodila plodom jer u izvještajnom periodu broj riješenih predmeta znatno premašuje priliv.

Važno je još napomenuti da je Općinski sud u Jajcu, u izvještajnom periodu, nije imao nijedan predmet korupcije i privrednog kriminala.

Zaključna zapažanja o radu suda u izvještajnom razdoblju na temelju prikazanih statističkih podataka i informacija navedenih u statističkom izvješću

U 2017. godini ukupna norma suda je iznosila 104.78%, što Predsjednica suda smatra zadovoljavajućim rezultatom.

Primjetno je da je u izvještajnom periodu priliv predmeta na svim referatima pao. Može se konstatirati da je na izvršnom i parničnom referatu riješen priliv i više od priliva, a na kaznenom i prekršajnom referatu nije svladan ni priliv predmeta.

U izvještajnom periodu primljeno je čak 1.313 izvršenja manje nego u prethodnoj godini.

Kvalitet rada suda u 2018. godini iznosio je 82,80%, a u 2017. godini 88,59%, gdje se primjećuje pad kvaliteta u odnosu na raniji period.

Postotak realizacije Plana rješavanja starih predmeta u 2018. godini iznosio je 81,85%, a u 2017. godini 85,37%. Postotak može dodatnim zalaganjem nositelja pravosudne funkcije biti i veći obzirom na to da je u Planu relativno malo broj predmeta. Iz Plana iz prethodne godine ostalo je 98 predmeta.

Planirane mjere za poboljšanje stanja u sudu

Kroz analizu ukinutih odluka na stručnom kolegiju, na kolegiju građanskog odjeljenja svakog mjeseca, nastojati poboljšati kvalitet sudskih odluka i poboljšati postotak realizacije Plana u 2019. godini. U tijeku 2019. godine u planu je riješiti sve predmete koji su ostali neriješeni iz Plana u 2017. godini i predmete starije od 2010. godine. S obzirom da je priliv predmeta sve manji, a time i broj predmeta u sudu, potrebno je više pažnje posvetiti kvaliteti rada, pratiti realizaciju Plana na mjesečnom nivou od predsjednice suda i predsjednice građanskog odjeljenja, smanjiti dužinu trajanja sudskih postupaka (angažiranjem većeg broja sudaca na „I“ referati i vanparničnom referatu) i stvarati pozitivnu sliku suda u javnosti.

Predsjednica suda

Safija Cerić